

Ultima Partenza

Eccu ch'hè ghjunta l'ora di l'ultima partenza
In cerca di 'ssi lochi di sonniu è di sperà,
Lu ventu di a mio vita, tutt'à a so impazienza
Versu à d'altre sponde prestu si spargherà.

Eccu ch'hè ghjuntu u tempu di l'ultimu viaghju
Nant'à e strade torte di qualchì altru veranu ;
A Luna è le stelle incù tè scopreraghju,
Tandu veni cun mè, tènemi puru a manu.

Ripigliu:

Ghjè l'ultima partenza,
Si compierà quì lu viaghjone
Di sonniu è di speranza,
Chì hè què l'ultima canzone.

Ti ringraziu à tè chì m'hai datu u caldu,
E cun quale aghju spartu e mio bramme stasera,
D'un pezzu d'u mio core t'aghju fattu rigalu
Per megliu sunnià quandi a notte hè nera.

Ti ringraziu per tuttu lu curaggiu datu,
Di mughji in pichjamani trà le mio riturnelle,
Chì malgradu a bughjura m'hanu illuminatu
Di millaie di fiare chì parianu stelle.

A tè ch'aghju da lascià dedicheghju 'ssu cantu,
Ma prima di piantà ti vuleria dì
Chì serà grazie à tè chì camperà l'incantu,
Tuttu anderà bè tantu chì serai quì.

Ripigliu:

Ghjera l'ultima partenza,
Si compierà quì lu viaghjone
Di sonniu è di speranza,
Era què l'ultima canzone.

Prima di a prùssima..!